

Ingingo ya 112.1


Uturangacyerekezo tw'ibara ryera ahagereye amasangano: Uturanga cyerekezo dutoranya twerekana igisate cy'umuhanda cyo gukoresha mu kwinjira .mu cyerekezo cyerekanwa n'uturanga cyerekezo.

Ingingo ya 112.2 :

Uturanga cyerekezo tw'ibara ryera twuzuzura umurongo uciyemo uduce umenyesha ko umurongo urombereje uri hafi: uturanga - gukata tumenyesha igabanuka ry'umubare w'ibisate by'umuhanda bishobora gukoreshwa mu cyerekezo gikurikiwe.

Ingingo ya 112.3:

Inyandiko z'ibara ryera mu muhanda :Zuzuzura cyangwa zibutsa ibirangwa cyangwa amabwiriza bitangwa n'ibimenyetso byo mu muhanda.

Ingingo ya 112.4:

Ibyerekezo byanditse mu muhanda: Byuzuzura uturangacyerekezo dutoranya mbere.

Ingingo ya 112.5 :

Inyandiko z'ibara ryera ziri iruhande rw'icyapa E.19 : Bigaragaza kandi bigasobanura ahantu habujijwe guhagarara umwanya munini nk'uko biteganyijwe .mu ngingo ya 33,3 y'aya mabwiriza yerekeye imihanda n'uburyo bwo kuyigenderamo.

Ingingo ya 112.7:

Imyanya igaragajwe n'imirongo yera iteganye iciye mu mpuzampembe hakurikijwe icyerekezo cy'umuhanda :Imyanya ibujijwe kunyurwamo n'ibinyabiziga cyangwa itegeka ibinyabiziga gufata icyerekezo runaka.